

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1067946 23 St
Sarajevo, 24.12.2024.godine

Općinski sud u Sarajevu, stečajni sudija Mirela Čajić - Puljić, u stečajnom postupku nad imovinom stečajnog dužnika Društvo sa ograničenom odgovornošću za projektovanje i inženjering "EUROING" Sarajevo, ul. Safeta Zajke br. 203, Sarajevo, koga zastupa stečajni upravnik Besim Hamidović, dana 24.12.2024.godine, donio je sljedeće:

R J E Š E N J E

1. Zaključuje se stečajni postupak nad imovinom stečajnog dužnika Društvo sa ograničenom odgovornošću za projektovanje i inženjering "EUROING" Sarajevo, ul. Safeta Zajke br. 203, Sarajevo, zbog nedostatka stečajne mase.
2. Ovo rješenje ima se objaviti u "Službenim novinama FBiH" i oglasnoj ploči ovog suda.
3. Po pravosnažnosti ovog rješenja, isto se ima dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika iz sudskog registra MBS broj 65-01-0561-11 (stari broj 1-26357).
4. Obavještavaju se stečajni dužnik, stečajni upravnik i članovi Odbora povjerilaca da pravne posljedice zaključenja stečajnog postupka nastupaju 8 dana nakon objavljivanja ovog rješenja u Službenim novinama FBiH.

O b r a z l o ž e n j e

Rješenjem ovoga suda broj gornji od 01.07.2024.godine, otvoren je stečajni postupak nad imovinom stečajnog dužnika 01.07.2024.godine, te je za stečajnog upravnika imenovan Besim Hamidović.

Dana 19.12.2024.godine stečajni upravnik je dostavio Izvještaj o ekonomskom stanju dužnika. U istom je naveo pored ostalog da stečajni dužnik nije u mogućnosti nastaviti poslovanje, da nema imovine – stečajne mase koja bi mogla pokriti troškove postupka. Na ročištu održanom dana 19.12.2024.godine, stečajni upravnik je izjašnjavajući se o ekonomskom stanju stečajnog dužnika u cijelosti ostao kod datog Izvještaja, te predložio da se stečajni postupak nad stečajnim dužnikom zaključi zbog nedostatka stečajne mase.

Kako se stečajni povjerioci nisu protivili prijedlogu stečajnog upravnika, te nisu bili spremni da uplate sredstva za obezbjeđenje troškova nastavka stečajnog postupka jer nema stečajne mase, to je primjenom odredbi člana 132. Zakona o stečajnom postupku ("Službene novine Federacije BiH", broj 29/03, 32/04, 42/06 i 52/18), donesena odluka kao u izreci rješenja.

Na osnovu člana 126. stav 2. i člana 140. stav 1. ZSP, rješenje o zaključenju stečajnog postupka objavljuje se u „Službenim novinama F BiH“ i oglasnoj ploči suda.

Odluka o brisanju pravnog lica iz sudskog registra temelji se na odredbi člana 140. stav 3. ZSP.

STEČAJNI SUDIJA
Mirela Čajić – Puljić

Pouka o pravnom lijeku:

Protiv ovog rješenja stečajni dužnik i stečajni povjerioci mogu izjaviti žalbu Kantonalnom sudu u Sarajevu u roku od 8 dana, po proteku 2 radna dana od objave rješenja u „Službenim novinama FBiH“. Žalba se podnosi ovom sudu u 3 (tri) primjerka.